



04 FEBRUARIE

**CANONUL
SF. CUVIOASE-
MUCENIȚE
ECATERINA
DEKALINA
DE LA
SIMBIR-SPASKI**



MINEIUL PE FEBRUARIE-RU



Канон

Преподобномученице Екатерине Симбирской

Песнь 1, глас 4

Ирмос: Колесницегонителя:

Запев: Святая преподобномученице Екатерино, моли Бога о нас.

В море страстей погрузихся, фараона мысленного плен претерпевая, из глубины взываю Тебе, Господи: Екатерины мученицы Твоей добропобедной молитвами мрачное око души моей просвети, душетленных падений мя избавляющая.

Отроковицею чистою притекла еси во обитель иноческую града Симбирска, подвигом добрым море страстей немокренными стопами прошла еси, Екатерино боголюбивая, тем же и нас свободи фараона мысленного молитвами твоими.

Рукою крепкою Христовою осеняема, треволнений моря житейского избегла еси, преподобная мати Екатерино, невлажно проплывши Креста ветрилом и Божественными ветры Духа, песнь Христу Богу воспевающая.

Божественное знание с Небеси от Христа приемше, дево Екатерино, лжетленные мудрости богоборческия отвергла еси, гонителей безумных обличающе, тем же немощныя демонов дерзости посрамила еси, победную песнь Богу воспевающая.

Богородичен: Иже Богородицу Тя проповедует, Всеблаженная, богоборчестих учений тьму

отриновение имать: плоть бо бывша, нетление родила еси превышша всякия, Богородительнице, твари Слово божием присносущее.

Песнь 3

Ирмос: Утверждаей:

Егда восташа отступницы на святыни земли Русския, тогда ты не убоялася еси, добропобедная Екатерино, прещений злокозненных гонителей, добре предрекла еси кончину позорную безбожных дел власти, ибо никтоже свят паче Тебе, едине Человеколюбче.

Рекоша безбожницы, несть Бог и прочия безумныя глаголы. Ты же слова богомудрыя глаголаша еси, преподобномученице, безумцев обличала еси, намже завещаши еси хранить веру православную, в нейже Руси утверждение.

Безбожия безумие от послушницы Христовой ныне попирается, оружием бо Креста оградившися, посрами Екатерина преподобномученице безмерно безумием своим хвалящися.

Богородичен: Непрsvещенный мой ум Света действием из Тебе возсиявшемуся миру воздвигни, мрак душевный истребляющи греховный, едина Богородительница Пренепорочная, Мати Света Присноблаженнаго.

Седален, глас 4:

Егда мнози люди российский отступиша от Бога, Божиих заповедей отвергошася, тогда гнев Божий на землю Русскую прииде, иссяче любви многих, потоками крови братьев наших наполнишася земля

наша, расточишася люди российстии по всему лицу земли, храмы наша стаща овощное хранилище, священницы и монаси убиени быша, глади, нашествия иноплеменник постигоша ны, и быхом в поношение языком. Мы же, разумеюще сие, с сокрушенным сердцем, в покаянии зовем: прости и помилуй нас, Господи, по велицей милости Твоей: очисти беззакония наша и подаждь страждущей стране Российстей предстательством преподобномученицы Екатерины прощение грехов, мир и велию милость.

Песнь 4

Ирмос: Ты моя крепость:

Угроз безбожниц и самей смерти не убояшася, яко воин крепцый во брани, щит веры и меч молитвы взявши, Екатерино славнопобедная, песнь воспеша: силе Твоей слава, Человеколюбче.

Дево Екатерино преподобная, страдания яко уголь горящ от олтаря Господня, очистиша богоглаголивая твоя уста, темже предания церковная попирающая твердо обличала еси, разумея в последняя их участь, како погибоша за беззаконие свое, и яко соние востающего Господь, являя истину, уничтожил есть сих не хотящих пети: силе Твоей слава, Человеколюбче.

Невесто Христова Екатерина доброхвальная злостраждала еси, яко добр воин Христов, имене Его ради мученической кончины сподобилася еси. Нынеже в чертозах небесных воспеваеши со ангелы: силе Твоей слава, Человеколюбче.

Землю Симбирскую освятивши теченьми кровей твоих, мученице Екатерино преподобная, ныне наслаждаешься трапезы Господней, велегласно поюще: силе Твоей слава, Человеколюбче.

Богородичен: Ныне крепость богоборцев низложи отметающихся образа поклонения Тебе, Богоотроковице Чистая, и паче ума из Тебе воплощенного и мир весь просвещающего Светом Истины; верою же чтущия Тя просвети, едина Благословенная.

Песнь 5

Ирмос: Вскую мя отринул:

Землю русскую покрыла еси чуждая тьма; учений антихристовых окаянные люди торжество учинили еси. Ты же, Екатерино всеблаженная, любовь Владыки огнепалима не убояся коварства мучителей, дерзновенно Христа проповедовала еси.

Трудами, постом и молитвами добродеев Екатерина украсивши душу свою боголепно, достойно прияла еси венец мученический от руки Самого Господа. Ему же молися да обратит нас к свету заповедей Своих.

От Света Незаходимаго возгоревшаяся звездо богосветлая Екатерина, тьмы чуждых лжеучений не убоялася еси, но путем Христовых заповедей текла еси вопияше: теку, Женише мой.

Богородичен: Истинную Богородицу Тя вси верою познавше, Пречистая Владычице, из рождшагося Бога Слова ведяще, проповедуем во дву существах,

хотениих самовластных познаваема, Мати Дево
Богоневестная.

Песнь 6

Ирмос: Бездна грехов:

Бездна зла восташа от ада predisподнейшаго и буря
мятежа потопиша землю Русскую, темже смутиша
мнози умы, но верою несумненною Екатерина прияла
простертую крепкую руку Спасову, моляся: о,
Управителю, спаси.

Мирския мудрости обличивши тленную суету, Богом
вдохновляема, венец мучения прияла еси, быв
послушлива Христу даже до смерти, Екатерино
достославная.

Леств новых идолов безбожныя власти обличивши,
угрозы злогневныя крепко терпящи, низложила еси
идольских умов шатания, преподобномученице
всеславная, венцы Царствия венчалася еси.

Богородичен: Милосердие Владыки и Сына Твоего
приклони, Богородице Дево, в День Суда Твоим
заступлением; избавления злых, Мати, соделай, к Тебе
бо едину надежду имам.

Кондак, глас 2:

Лик честный Божественне, святолюбцы, воздвигните
ныне, почитающе преподобномученицу Екатерину
Симбирскую, сия бо небоязненно Христа проповеда и
богоборческия идола духовно попра, уста
неправедных заградиша.

Икос:

От юности Бога возлюбивше, новомученице, и мира поигибельного ложная красоты отвергшеся, равноангельной послушницей соделавшеся Христу, Тому деннонощно благодарение неустанно приношаше, гнева гонителей не устрашися, нынеже источником чудес явися во граде Симбирске и стране Российстей.

Песнь 7

Ирмос: Божия снисхождения:

Плач, стенание и горе великое в лютую годину Церковь Российскую постиже, тыже, Екатерино боговедомая, твердою верою несумненно моляся, Божия милости призывающе ради покаяния грешников поюще: благословен еси, Боже отец наших.

Новомучеников Российских похвало, благочестия учительнице явилася еси ныне грешником, Екатерино Симбирская, многое множество заблудших приведши ко Христу, научающе пети: благословен еси, Боже отец наших.

Града Симбирска небесный покрове и молитв неусыпающая скороисполнительнице, Екатерино боголюбезная, научи и нас пети с тобою ко Христу умиленно взывающи: благословен еси, Боже отец наших.

Богородичен: Пресвятый Святый, в Тебе всесвято вселився, Преблагословенная Чистая Отроковице, воплощен из Тебе родися, за еже спасти верою зовущих: благословен Бог Отец наших.

Песнь 8

Ирмос: Седмерицею пещь:

Грех ради наших и беззаконий зело умножившихся попусти Господь братоубийству и междуусобным бранем в земле Российстей быти. Ты же, равноангельная Екатерино, молитвенно Богу предстоя, взывала еси об умирении враждующих: отроца, благословите, священницы, воспойте, людие, превозносите во вся веки.

Твоим житиим ко благочестию наставляеми людие в храм Божий притече, православно взывающе: отроцы, благословите, священницы, воспойте, людие, превозносите во вся веки.

Господа исповедала еси пред отступники и гонители: с нами Бог, разумеите и покоряйтесь, страха же вашего не убоимся, ниже смутимся, Господа же Бога нашего святим и Тому поем: отроцы, благословите, священницы, воспойте, людие, превозносите во вся веки.

Ухищренными угрозы страшаше гонитель безбожный, и прельщающе уветливогласно лютый мучитель, разслабити твою крепость надеявся, преподобномученице Екатерино, но крепость каменю веры восприимше верою вопияла ко Избавителю: отроцы, благословите, священницы, воспойте, людие, благословите во вся веки.

Богородичен: Чистейшая светлостей солнечных и священнейши Ангельского чина, Богородице Всенепорочная; сих бо родила еси Содетеля и Господа от девственных и неискусобрачных утробы, во двух

существах неслиянно и невращно, во единой же Ипостаси Бога воплощенна.

Песнь 9

Ирмос: Ужасеся:

Добрым подвигом подвизалася еси на земли, смерть от рук неверных богоборцев претерпела еси достойно, Екатерино достославная. Ныне в чертозах светозарных ликуеши, предстояще Христу. Сего ради призри на ны ты величающая и сохрани ны.

Возрыдала еси, о душе моя, яко видех землю Симбирскую кровию святых Божиих обогретенную, Благ Господь Бог мой: како попусти сие? Не плачи, о душе моя, молися преподобномученице Екатерине и разумей пути Господни. Той бо мучеников Своих зело возлюби и дерзновение им дарова молиться о нас грешных.

Молитв твоих скорое исполнение, о Екатерино скоропомогающая, в своей жизни видяще, к тебе притекаем, недугов и страстей избавления чающе. Сия же получивше тя, всесветлая, радостно ублажаем.

Аще не пролияся кровь новомученицы Екатерины, како бы устояла земля наша, пустыне бесплодной уподобися? Но пролитием крови святой освятися град Симбирск и велие имея дерзновение ко Господу ради молитв преподобномученицы, еяже ублажаем.

[Выкладываю в «Уставные заметки» канон святой преподобномученице Екатерине (Декалиной), послушнице Спасского женского монастыря города Симбирска (†1938, память 4 февраля). Канон написан прихожанином обители **Игорем Михайловичем Сабановым**]